

Broj: 01-01.3-2065-7/15 S.L.

Mostar, 23.06.2015. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakon), te člana 15. Pravilnika o javnim nabavkama JP Autoceste FBiH d.o.o. Mostar i preporuke Komisije za javne nabavke konstatirane u Zapisniku o pregledu i ocjeni ponuda broj: 01-01.3-2065-4/15 S.L. od 19.06.2015. godine direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU o poništenju postupka nabavke u konkurentskom zahtjevu

I

Poništava se konkurentski zahtjev broj: 01-01.3-2065-1/15 S.L. od 22.05.2015. godine za nabavku: "Usluga odvoza i pražnjenja kontejnera od 5 m³" – Lot 1: „Usluga odvoza i pražnjenja kontejnera od 5 m³ sa lokaliteta COKP Drivuša i B.N.M. Kakanj" u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva.

II

Ponuda ponuđača „Alba Zenica“ d.o.o. Zenica se odbija kao neprihvatljiva, u skladu sa članom 68. Zakona, zbog formalno-pravnih nedostataka, jer ne ispunjava zahtjeve iz tenderske dokumentacije.

III

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

O b r a z l o ž e n j e

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa članom 88. Zakona, pokrenulo konkurentski zahtjev broj: 01-01.3-2065-1/15 S.L. za nabavku: "Usluga odvoza i pražnjenja kontejnera od 5 m³" – Lot 1: „Usluga odvoza i pražnjenja kontejnera od 5 m³ sa lokaliteta COKP Drivuša i B.N.M. Kakanj". Na Portalu javnih nabavki objavljeno je Obavještenje o nabavci broj: 266-7-2-379-3-51/15 dana 22.05.2015. godine.

Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda

dana 08.06.2015. godine u 12:30 sati u prostorijama Javnog preduzeća „Autoceste Federacije Bosne i Hercegovine“ d.o.o. Mostar, Operativni ured Sarajevo, Dubrovačka 6; Sarajevo, što je konstatirano u zapisniku o otvaranju ponuda u skladu sa Zakonom. Komisija je na javnom otvaranju ponuda konstatirala da je svoju ponudu predao (1) jedan ponuđač.

Komisija je prema članu 65. ZJN pristupila pregledu i ocjeni ponude, što je evidentirano u Zapisniku o pregledu i ocjeni ponuda, koji je sastavni dio ove Odluke.

Shodno preporuci Komisije za javne nabavke poništava se konkurentski zahtjev broj: 01-01.3-2065-1/15 S.L. od 22.05.2015. godine za nabavku: „Usluga odvoza i pražnjenja kontejnera od 5 m³” – Lot 1: „Usluga odvoza i pražnjenja kontejnera od 5 m³ sa lokaliteta COKP Drivuša i B.N.M. Kakanj“ u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva.

Ponuda ponuđača „Alba Zenica“ d.o.o. Zenica se odbija kao neprihvatljiva, u skladu sa članom 68. Zakona, zbog formalno-pravnih nedostataka, jer ne ispunjava zahtjeve iz tenderske dokumentacije.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od pet (5) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**Izvršni direktor
za upravljanje i održavanje:**

.....
Mirsad Nikšić, dipl.ing.maš.

Direktor:

.....
mr.sc. Ensad Karić



Dostaviti:

- ponuđaču koji je predao ponudu
- a/a

Broj: 01-01.3-2065-4/15 S.L.
Mostar, 19.06.2015. godine

Sastanci održani 08.06., 15.06. i 19.06. godine u prostorijama JP "Autoceste FBiH" d.o.o. Mostar.

Ugovorni organ je pokrenuo konkurentski zahtjev za dostavu ponuda koji se sprovodi u skladu sa članom 88. Zakona o javnim nabavkama.

Javnom nabavkom je predviđeno sklapanje okvirnog sporazuma sa jednim ponuđačem koji zadovoljava kriterije za izbor. Okvirni sporazum se sklapa za razdoblje od četiri (4) godine. Nabavka je podijeljena u tri lota.

Sastancima prisustvuju sva tri člana stalne komisije imenovane rješenjem broj: 01-2207-10/15 od 26.05.2015. godine.

U skladu sa članom 65. Zakona o javnim nabavkama („Službeni glasnik BiH“, broj 39/14), članom 18. Uputstva za pripremu modela tenderske dokumentacije i ponuda i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

ZAPISNIK O PREGLEDU I OCJENI PONUDA u konkurentskom zahtjevu Lot 1

- a) **Naziv i sjedište ugovornog organa:** JP "Autoceste FBiH" d.o.o. Mostar;
- b) **Predmet nabavke:** Nabavka usluga odvoza i pražnjenja kontejnera od 5 m³: Lot 1: „Usluga odvoza i pražnjenja kontejnera od 5 m³ sa lokaliteta COKP Drivuša i B.N.M. Kakanj“;
- c) **Evidencijski broj nabavke:** 01-01.3-2065/15 S.L. od 14.05.2015. godine;
- d) **Vrsta postupka javne nabavke:** Konkurentski zahtjev;
- e) **Broj obavještenja o nabavci sa Portala javnih nabavki:** 266-7-2-379-3-51/15 objavljeno 22.05.2015. godine;
- f) **Datum početka pregleda i ocjene ponuda:** Komisija je počela da pregleda ponude 15.06.2015. godine;
- g) **Naziv i sjedište svih ponuđača, prema redoslijedu zaprimanja ponuda:**
 1. „Alba Zenica“ d.o.o. Zenica, koji je ponudio cijenu u vrijednosti od 30.514,77 KM sa uračunatim PDV-om za okvirni sporazum i cijenu u vrijednosti od 8.798,69 KM za prvi pojedinačni ugovor;
- h) **Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:**

R. B.	ANALIZA, PREGLED I OCJENA PONUDA	NAZIV PONUĐAČA
	Lot 1: „Usluga odvoza i pražnjenja kontejnera od 5 m³ sa lokaliteta COKP Drivuša i B.N.M. Kakanj“	„Alba Zenica“ d.o.o. Zenica
a.	Kvalifikacioni uvjeti (uvjet/dokaz):	
1.	<p>-pravo ponuđača na obavljanje profesionalne djelatnosti koja je u vezi sa predmetom nabavke, u skladu sa članom 46. Zakona i/ili da su registrirani za obavljanje predmetne djelatnosti u relevantnim profesionalnim ili trgovačkim registrima;</p> <p>-u svrhu dokazivanja prava na obavljanje profesionalne djelatnosti, u skladu sa članom 46. Zakona, ponuđač mora dostaviti dokaz o registraciji u odgovarajućem profesionalnom ili drugom registru u zemlji u kojoj je registriran ili da obezbijedi posebnu izjavu ili potvrdu nadležnog organa kojom dokazuje njegovo pravo da obavlja profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originalni ili ovjerene kopije;</p>	+
2.	<p>- tehničku i profesionalnu sposobnost u skladu sa članom 50. Zakona: - da ponuđač ima na raspolaganju ima minimalno jedno specijalno komunalno vozilo – kamion kipper za utovar kontejnera, odvoz smeća i istovar kontejnera; - da ponuđač raspolaže najmanje jednom specijalizovanom autocisternom do 5.000 litara, za čišćenje separatora i recikliranje uljnog sadržaja iz separatora na licu mjesta; - da ponuđač ima zaključen ugovor sa odlagalištem otpada – deponijom otpada na koju će se voziti otpad koji je predmet nabavke; - uvjeti iznajmljivanja/korištenja kontejnera od 5 m³, ukoliko ponuđač nudi opciju iznajmljivanja kontejnera.</p> <p>u svrhu dokazivanja tehničke i profesionalne sposobnosti ponuđač je dužan dostaviti: - Izjavu ponuđača da na raspolaganju ima minimalno jedno specijalno komunalno vozilo – kamion kipper za utovar kontejnera, odvoz smeća i istovar kontejnera. Uz Izjavu ponuđač prilaže ovjerenu kopiju saobraćajne dozvole za navedeno vozilo; - ovjerenu kopiju ugovora ponuđača sa deponijom otpada – odlagalištem otpada na koju će ponuđač odvoziti otpad koji je predmet nabavke; - uvjeti iznajmljivanja/korištenja kontejnera od 5 m³, ukoliko ponuđač nudi opciju iznajmljivanja kontejnera.</p>	+
b.	Ispunjenost uvjeta u pogledu dostavljanja svih potrebnih dokumenata prema sadržaju ponude:	
1.	Pravilno popunjen obrazac za ponudu koji je dat u Aneksu 2 tenderske dokumentacije, odnosno obrazac koji sadrži sve elemente definisane Aneksom 2;	+
2.	Pravilno popunjen obrazac za cijenu ponude koji je dat u formi kao Aneks 3.1 tenderske dokumentacije;	-
3.	Pravilno popunjen obrazac za cijenu ponude koji je dat u formi kao Aneks 3.2 tenderske dokumentacije;	-
4.	<p>Kvalifikacioni dokumenti predviđeni tačkom 2.2. TD: - Ovjerene kopije dokumenata kojima ponuđač dokazuje ispunjenost uvjeta iz člana 46. stav (1) do (2) (<i>dokaz o registraciji: izvod iz sudskog registra, rješenje o registraciji i sl.</i>);</p> <p>- Izjava ponuđača da na raspolaganju ima minimalno jedno specijalno komunalno vozilo – kamion kipper za utovar kontejnera, odvoz smeća i istovar kontejnera</p> <p>- ovjerena kopija saobraćajne dozvole za navedeno vozilo</p> <p>- ovjerena kopija Ugovora sa deponijom otpada – odlagalištem otpada</p> <p>- uvjeti iznajmljivanja/korištenja kontejnera od 5 m³, ukoliko ponuđač nudi opciju iznajmljivanja kontejnera</p>	+
5.	Obrazac povjerljivih informacija, u skladu sa Aneksom 4 – ukoliko ih ponuđač ima;	N/P
6.	Potpisan i parafiran prijedlog okvirnog sporazuma - koji je sastavni dio tenderske dokumentacije kao Aneks 5;	+
7.	Potpisan i parafiran prijedlog prvog pojedinačnog ugovora - koji je sastavni dio tenderske dokumentacije kao Aneks 6;	+
8.	Izjava o sukobu interesa (Aneks 7);	+
9.	Parafiran Tehnički opis usluge (Aneks 8);	+
		+

10	Pravilno popunjena Izjava kojom se dokazuje ispunjavanje uvjeta za primjenu preferencijalnog tretmana domaćeg zaokruživanjem tačke koja odgovara stanju ponuđača u sklopu Aneksa 2;	+
11	Ponuda mora biti ovjerena pečatom podnosioca ponude, ako po zakonu države u kojoj je sjedište podnosioca ponude podnosilac ponude ima pečat ili dokaz da po zakonu države u kojoj je sjedište ponuđača podnosilac ponude nema pečat;	+
12	Ponuda mora biti potpisana od strane odgovorne osobe za predstavljanje ponuđača (navedenom u Izvodu iz sudskog registra, rješenju o registraciji) ili osobe ovlaštene od strane odgovorne osobe ponuđača pisanom punomoći za potpisivanje ponude (u kojem slučaju se uz ponudu prilaže punomoć). Punomoć, u slučaju grupe ponuđača mora biti dana od svih ovlaštenih osoba za zastupanje članova grupe ponuđača;	+
13	Popis dokumentacije koja je priložena uz ponudu.	+
c. Prikaz prihvatljivosti ponuda prema obliku, sadržaju i potpunosti i ostalih uvjeta iz tenderske dokumentacije		
1.	Cjelovitost ponude	+
2.	Uvezana u cjelinu /knjiga, obezbjeđena jemstvenikom/	+
3.	Ponuda napisana neizbrisivom tintom	+
4.	Pravilno numerisana ponuda	-
5.	Ponuda napisana na jednom od službenih jezika u BiH	+
6.	Ispravke u ponudi	-
7.	Računske greške	N/P
8.	Izmjene/dopune ponude i odustajanje od ponude	-
9.	Prihvatljivost ponude (da/ne)	ne

Objašnjenje oznaka: "+“ (da, dostavljeno/postoji, pravilno popunjeno) “-“ (ne, nije dostavljeno / ne postoji, nije pravilno popunjeno), “N/P” - nije primjenjivo

i) Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:

- Ponuđač zadovoljava kvalifikacione uvjete propisane tenderskom dokumentacijom;

j) Podatke o pojašnjenju ponuda: Nije traženo pojašnjenje ponude;

k) Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:

Ponuda ne ispunjava zahtjeve u pogledu opisa predmeta nabavke i tehničkih specifikacija, jer je Ponuđač dostavio po dvije jedinične cijene (navodeći da je jedna jedinična cijena za deponiju Alba, a druga za deponiju Mošćanica) za stavke 1. i 2. u Obrascima za cijenu ponude (Aneks 3.1. i Aneks 3.2.), što je u suprotnosti sa tačkom 2.3. konkurentskog zahtjeva gdje je navedeno: ***Obrasci koji su sastavni dio ovog Konkurentskog zahtjeva moraju biti popunjeni u cijelosti, potpisani i ovjereni pečatom ponuđača. Ponuđačima je zabranjeno križati, brisati ili ispravljati dostavljene obrasce i Tehnički opis usluge. U slučaju nejasnoća treba zatražiti pojašnjenje tenderske dokumentacije od naručitelja.*** Dakle, ponuda sadrži dvije različite jedinične cijene za stavke 1. i 2. Obrasca za cijenu ponude i ukupnu cijenu u kojoj su sabrani svi pojedinačni iznosi, što je u suprotnosti sa Zakonom (ponuda se odbija u skladu sa članom 68. stav (4) tačka a) Zakona) i tenderskom dokumentacijom. Naime, za svaku pojedinačnu stavku iz Obrasca za cijenu ponude, ponuđačima je dozvoljeno unošenje samo jedne jedinične cijene. Ponuđač nije dostavio Pismenu izjavu o uvjetima korištenja kontejnera.

l) Podatke o ispravkama računskih grešaka u ponudama ako ih je bilo:

Prilikom računске kontrole konstatirano je da ponuda sadrži dvije različite jedinične cijene i ukupnu cijenu u kojoj su sabrani svi pojedinačni iznosi, te se ponuda odbija kao neprihvatljiva u skladu sa Zakonom (član 68. stav (4) tačka a) i tenderskom dokumentacijom. Budući da je ponuda neprihvatljiva jer ne ispunjava formalno-pravne uvjete, iz toga razloga nije tražena suglasnost za ispravku računске greške.

m) Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:

1. Ponuda ponuđača „Alba Zenica“ d.o.o. Zenica se odbija kao neprihvatljiva zbog formalno – pravnih nedostataka ponude:
 - ponuda sadrži dvije različite jedinične cijene i ukupnu cijenu u kojoj su sabrani svi pojedinačni iznosi, što je u suprotnosti sa Zakonom član 68. stav (4) tačka a) i zahtjevima iz tenderske dokumentacije;
 - ponuda nije pravilno numerirana, što je u suprotnosti sa zahtjevom iz tenderske dokumentacije: **“Svi listovi ponude moraju biti numerirani na način da je vidljiv redni broj lista, u skladu sa članom 8. stav (6) i (7) Uputstva za pripremu modela tenderske dokumentacije i ponude”** Naime, ponuđač je u svojoj ponudi numerirao pojedinačno priloge ponude umjesto svih listova ponude;
 - ponuđena cijena je znatno veća od procjenjene vrijednosti nabavke.

n) Razloge za odbijanje ponude zbog neprirodno niske cijene: Nije primjenjivo;

o) Analizu prihvatljivih ponuda prema kriteriju za izbor ponude: Kriterij za dodjelu ugovora je „najniža cijena“.

Zaprimljena ponuda nije prihvatljiva za ugovorni organ zbog formalno-pravnih nedostataka ponude.

p) Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor: Nije primjenjivo;

q) Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:

Komisija daje preporuku Direktor Javnog preduzeća „Autoceste Federacije Bosne i Hercegovine“ društvo sa ograničenom odgovornošću Mostar da donese Odluku o poništenju postupka u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva.


Ponuda ponuđača „Alba Zenica“ d.o.o. Zenica se odbija kao neprihvatljiva, u skladu sa članom 68. Zakona, zbog formalno-pravnih nedostataka, jer ne ispunjava zahtjeve iz tenderske dokumentacije;


r) Datum završetka postupka pregleda i ocjene ponuda: Komisija je završila pregled i ocjenu ponuda dana 19.06.2015. godine;

s) Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Aida Demir, predsjednik komisije..... 

Senada Lizde, član komisije 

Lejla Hodžić, član komisije 

Za sekretara Komisije imenovana je Aida Zeba;

t) Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.): Nije primjenjivo.

Saglasan: 
 mr.sc. Ensad Karić, direktor

